



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 157. Nobilium querelæ ad Ordinum comitia delatæ

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

cum alio quodam Archiepiscopo cunctis, Sæcul. XV. A.C. 1484.
 quæ Sorbonensis Doctor dictitabat, se
 se opposuisset, hinc nihil hac super re
 definitum est; eoquod minus consultum
 fore videretur, sub primis Regni auspi-
 ciis cum summo Pontifice simultates or-
 diri, ac lites fuscitare, quibus publica
 tranquillitas turbaretur.

§. CLVII.

*Nobilium querelæ ad Ordinum co-
 mitia delatæ.*

Audiebantur etiam preces Nobilium,
 qui graviter conquesti sunt, quod
 frequentius non sine maximo eorum
 damno tam primariæ quam secundariæ
 clientelæ Nobilitas ad bellum evocaretur,
 & Nobiles non solum in sylvis Regi
 propriis, sed in ipsis eorum ditionibus
 venandi libertate privati, hancque ob rem
 gravibus molestiis affecti fuissent; Lu-
 dovicus enim XI. juris venandi adeo te-
 nax erat, ut illud inita regni sui posses-
 sione omnibus adimeret, nec non cujus-
 cunque conditionis ac status personis,
 indicta capitis poena, inhiheret, ne quis
 vel solus vel unacum venatorum agmine
 venatum ire præsumeret, absque nova
 concessione ipsius Regis chirographo fir-
 mata. Hæc lex ipsos quoque regis stir-

Sæcul. XV.
A.C. 1484.

pis Principes complectebatur, atque haud temere conjiciunt Historici, hanc ipsam Regis constitutionem plurimum ad boni publici bellum contulisse. In hisce autem comitis Rex Nobilium querelis detulit, eisque, ut exasperatos illorum animos sedaret, pristina venationum jura restituit, necnon census redimendi facultatem, quam etiam petierant, concessit, ac denique pollicitus est, nullos deinceps Nobiles Regis clientes absque extrema necessitate amplius esse convocandos.

§. CLVIII.

Civium querelæ.

Tertius quoque Regni status in comitiis suas exponebat querelas; cives enim regnum pecuniis exhaustum graviter lamentabantur, caussati, eas a Papæ legatis Romam redeuntibus ex Francia extrahi, ingentem quoque auri vim in Lugdunensium nundinis ad exteras regiones deferri; postea vehementius querabantur, eoquod continuo milites eorum agros urbesque non sine gravissimo populi damno peragrarent, denique communis omnium comploratio erat, non modo ob immodica tributa, ab eis sine omni pietate crudeliter hucusque extorta,